

氏宗譜
字號






虞門曹氏宗譜卷三

三十世 子志賡續修

三十一世孫 說霖 輯錄



家傳上


宋故應龍公傳

曹瑗字應龍江陰人也父_以居申浦母湯氏早世瑗自幼鞠於繼母卜氏生有至性事繼母克孝與繼母弟熙友愛_至母湯氏葬虞門別墅及父卒_亦到合葬廬墓不忍去盡以申浦舊業與弟而自居於_處以_心身故遠

應龍公傳

近稱孝子云

直秘閣劉子翼譔




宋執金吾左侍衛將軍鼎湖曹公傳贊

曹耀之字文英號鼎湖宋駙馬址之第四子也生而簡靜
不好聲色及長讀書能文年十六以勳戚授左執金吾將
軍度宗卽位侍駙馬及公主遷鄉里及宋革命公主痛國
家之變俯仰無賴公外爲怡愉晨昏奉甘旨以慰親意至
獨處淚未賞不涔涔下也時臨安里第旣被焚掠故園桑
梓亦就荒蕪公乃督僮僕力耕作樹桑麻與農夫野老溷
跡同塵見之者不知其爲故將軍也後七年公主卒又二
十二年而駙馬卒公哀毀盡禮刻沉香爲像以事焉未幾

公亦卒子一曰祥鳳

席帽山人曰公始而純綺繼而兜鍪終而襪襦用能以
全親中以全身下以施及子孫以與泥首肉袒係辱北庭
者霄壤矣

席帽山人王逢撰



竹軒曹公傳

竹軒曹公宋駙馬址之孫金吾將軍耀之之子也金吾公元配全氏度宗全皇后之妹早卒繼配蔣氏樊陽侯之女公生體貌魁梧駙馬公嘗置之膝上拊其頂曰此吾家鳳雛也因名曰祥鳳字以鳴岐竹軒其號也性狷介讀書尙義工翰墨能文章自以宋戚裔恥事二姓遂絕意進取以琴史自娛有靖節之風焉配華氏生子三長曰淵崇節義早知名

吳 萊 撰

早慶昌

不聖... 曹氏宗譜

護工... 曹氏宗譜

繼山... 曹氏宗譜

公生... 曹氏宗譜

元... 曹氏宗譜

仲... 曹氏宗譜

仲... 曹氏宗譜



明故勅贈浙江都指揮司同知伯淵曹公傳

曹淵字伯淵氣節豪邁勇畧過人元季盜賊蜂起里中糾義社衛鄉里推淵爲首統轄義兵淵出米數千石爲倡餘各出米貯倉供義軍食肅部伍嚴賞罰屢平劇盜由是方四十里盜不敢犯高皇取江陰駐軍虞門淵率父老迎謁賜以御書板榜令撫綏地方後以捍禦張士誠軍功授統領兵民元帥又以斬護江盜功多賜衣甲羊酒勅諭保守秦望山諸寨轄沿江諸堡義兵如故洪武元年士誠既平義兵悉歸農畝突有劇盜流入觀山淫掠村落淵聞投袂

招集義兵有義丁顧苗潰圍翼之出為流矢所中而卒時

五月人不滿百即馳赴力戰手殺數十人淵亦被創陷陣

七日也洪武五年江陰侯吳良表上淵死事詔贈浙江指

揮司同知蔭一子錦衣衛正千戶學士宋濂等作詩輓之

四十里益不煩與... 翰林學士王禕撰

谷出米... 軍食... 由是

義振... 里... 米... 下

曹... 宇... 里中

同... 曹


明故一忠公傳與之激買煥對之呈奉其心率其妻于家
公諱一忠字良貞號志五世居暨陽之虞門歷宋元明代
有聞人祖德馨父立甫諱培者皆以好學聞公幼聰慧讀
孝經爾雅諸書過目輒不忘年十三赴院試宗匠喜其年
幼取案上五經註疏令其背讀數處公無了疑滯幾入泮
限於額不果及長婚禮畢讀書罔間晝夜若不知琴瑟之
好者觀山高紫巖邑城許汝霖篤學士也公歷事之恨得
師晚方銳意進取視搏青紫如拾芥尤專尚氣節爲文章
而戶外事一切不問時人謂之書卷癖間有二三知己相

與覽勝於山巔水湄則欣然請從無少諉蓋虞門東接暨
陽離城十有餘里邑之北門外有黃泥菴竹樹煙雲迥非
凡境日往遊而罔倦於是登君山望大江慨然想見黃歛
之功名與季子之高讓若涇渭不相雜自此有淡於仕進
之志公年四十餘祖父相繼辭世家資亦淺薄母老惡聞
車馬聲公以輪蹄絡繹之區終莫恢母懷一日步從常郡
歸出鄭陸橋之北柵憇施庄菴見村堰寥落桑柘陰陰詢
諸鄉人鄉人曰常熟故里也公喜其地僻歸而謀諸弟一
章公并以舊宅與之遂買數椽之屋奉其母率其妻子家

人徙居於此至之日門巷蕭條晦明風雨惟聞讀書聲尋以治產爲衣食計置繞郭田二十餘畝令其子希宗任之業漸饒及公卒時沃壤已頃計矣嗚呼自虞門徙此已歷二百餘載而公之子孫食舊德服先疇源遠流長寢昌寢熾卽所以傳公也又奚必名顯爲哉公之裔孫玉璿持原稿示予云此稿存自萬厯年間蠹簡殘編字跡有磨滅難認者是公已有傳於前也爰採其舊而輯之以爲傳

廩生西是秦禮拜撰

諸清出廷... 其... 也



諸... 年... 也

繼... 也

二... 也


業... 也

以... 也

人... 也

冲垣公傳

公諱應豹字廷光別號冲垣爲今憲副公荃之父憲副筮
仕南刑曹遇



先帝登極恩後守閩之清漳政成奏最兩贈公如其官階
故得稱贈公云贈公先世爲揚之泰興人宋嘉定間有看
雲軒文學來任晉陵簿就家潞城潞城之曹在勝國時世
有聞人數傳至益避兵於錫因徙泰伯鄉之望亭家焉益
生昞昞生闇三世家有令德而孟亭之曹寢以昌大闇生
封戶部主事岷齋公符符生濟陽令九峯公寅及郡伯晴

峯公察晴峯公嘗令閩之邵武又守閩之鄞江並祀名宦
人稱曹氏世有惠政於閩者自晴峯公始晴峯公有子三
人而巽菴公徵文爲之長巽菴公有子四人贈公則其叔
子也贈公生長世閩獨如原憲之貧幼負奇慧書史過目
成誦覆舉無遺而獨廢經生家言名不列於逢掖孝友篤
至親曰宜子伯仲曰宜弟季曰宜兄羣族之人僉曰此長
者無他而獨見忌于同堂至蒙大難壁立無聊數年佗僚
以死初巽菴公之爲郡伯冢子也赫然負聲於膠庠幾得
售矣而被放有弟徵獻竟成孝廉獲其世業巽菴公則旁

皇遷徙靡有盜居悒悒賚志以歿歿後不數年婦子相繼
辭世振峯公獨力俯仰掾死扶傷之弗暇又中於踐更諸
役故及贈公之生已蕭然若單寒家矣贈公十齡失恃時

振峯公念伯子仲子稍長急觀其成季子又幼方就外傳
則米鹽莞鑰一切以煩贈公故在諸昆中獨廢經生之業
者惟贈公也諸昆或從或出授經而贈公用廢儒故長得
宛轉膝下啜菽飲水無一日去其親自晨昏定省外輒手
一編兀坐履跡幾不及戶限賦性修潔屢空晏如恥以升
斗累人故貧而引分自安承顏愛日宜兄宜弟卒爲羣族

所共諒者亦惟贈公獨也然贈公業有子黨副蚤露頭角
力艱贄脯輒爲口授經子大義庭訓爲師觸機葩發天章
爛然識者方預爲占而族之無良者反從而目攝之矣方
家難之作也伯仲季皆以諸生就質無故并及公邏卒滿
庭勢焰張甚公度不可猝直從間逸去而有司之周內者
必欲速公簿對時憲副琅璫赴吏以童子獄廷辯堅持子
代父之說凡再訊理愈壯直乃釋弗問而贈公用是貧橐
益洗強謀一羶餬口旋苦質直不能徇俗杓鑿以歸則更
大困念伯氏避難蠶叢季氏幽繫囚室徒與仲氏徘徊於

頽垣敗壁間傷世業之弗紹飲泣相弔而已會憲副補弟
子員受知賢有司抗白寃狀暨季并釋公乃一爲色喜一
日課憲副作文及午尙未舉火而首義已就公愀然曰汝
弟方市米盍少緩諸嗟乎傷哉貧也公竟以此歿矣當公
病時憲副以科試格於郡恐傷公心皇皇焉計求補錄公
謂季曰此子情迫矣爲我慎閑之勿行恐有他故旣而吳
門諸衿果有噪郡之守門者學使聞而黜革之于是眾服
公遠識云公歿後而憲副以甲子舉於鄉公見夢於所親
曰吾兒必售戊辰偕計憲副於逆旅中若時見公從振峯

公與俱行者遂有南宮之捷隱異矣豈非人所緇而天必
申纘緒貽謀之志耿結生前昭茲來嗣有若桴鼓聲隨者
乎

論曰余聞晴峯公守閩時蓋以抗直不阿去其官云贈公
雖隱約以老頤居恆于宗黨間見有非義事輒爲竟日豎
眉終宵裂幘推斯志也雖以請劔尙方可矣方憲副爲曹
郎又遠在於南似可勿言所言又撻鱗觸咎相禍至不測
或有諷之者必謝曰此吾先君子之志幸無尼我卒以抗
疏回天扼賢奸消長之關震羣瘖于海內其風烈有自洵

非誣也公嘗諭憲副曰士讀書不成尙可徙業一青其衿
便如處女當從一而終若一失身欲求爲農工賈何可復
得大哉言乎此范希文之志也誰謂儒者果以經生帖囁
乎哉

年家子錢振先頓首拜譔



論曰余聞詩家之言... 雖隱約以老眼... 平將雪裂... 卦大知言... 要胸腹... 非臨此... 嘗備... 臨曰... 書不... 抄業... 詩其...

縣志宦望易庵公傳

易菴履垣公別號

荃字元宰少時以父事繫獄而益奮志讀書後父事自得
釋舉崇禎元年進士授南京刑部主事歷事中偕禮部周
鏞言事忤權要謫官歸久之除漳州知府清而不刻吏民
畏懷之遷副使視屯監水利海甸清肅時中原寇亂神州
鼎沸數勸鄭之龍舉兵勤王既而見鄭逗留不行知其意
不決遂投劾去之晚葺西郊讀書臺屏以老讀書臺者舊
爲吳氏別墅或謂卽李相臺非也然荃所居絕疎快可喜
沒未幾而其地不可復問矣

雪龕公自傳

雪龕翁者澄江虞里人也名夢魁字仲生別號雪龕坐禪
帷常月餘不入內亦不屑戶外事凡醫藥卜筮祿命之書

無不窮覽每求一解至廢寢不倦麤涉舉子業三十一始
得一衿試於鄉再不售曰讀書貴曉大義耳豈屑屑於一
第攢眉筆硯間哉喜爲詩率意成咏咏輒棄去人有來者
走筆應之曰此古人唾餘也田不及負郭不能耕借耜於
人有負者勿與校內迫俯仰外困踐更雖豐年餽粥不具
處之恬如也爲人坦率不事矜飾見得不競有怨不修里

人曰爲忠厚人忠厚者無用之名也事有不義形於色遇
豪強侃侃不屈里中又曰爲刻拙人刻拙者亦無用之名
也晚喜讀易欣然有得便終日無言用鄧文潔李謫仙句
榜其楹曰得意常自笑爲文竟無成兩言蔽余之爲人矣
丁未季冬雪龕道人自述

無不豫覽每水一職任鄉家不計數動舉七業三十一
勤當其翁不人內衣不亂氣化淨只醫藥小氣氣命
聖翁食香齋其與里人出谷恐誤字外主世無靈命
雲齋空自州

伯祖聖俞公傳
伯祖聖俞公諱一飛曾大父福先公之長子也資性敏慧
氣度端慤十歲曾祖命就外傳而庭訓尤嚴學無間寒暑

嚴冬夜讀足僵則繞屋而走夏以甕貯足却蚊弱冠而學
問文章卓赴時彥未幾遊庠諸生無可與頡頏者康熙間
聖駕南巡獻貂稽全章題文五十篇蝶影律詩一韻百首
御覽大悅
欽取江南茂才第一
欽命赴京以內閣中書用於時伯祖以曾大父年過古稀

不欲遠離左右意未果也曾大父曰余雖老尙矍鑠幼學
壯行儒者之素老死牖下豈所望哉遂筮日束裝拜辭北
上抵京主存素張相國第卽前取茂才第一之主司也方
期薦用曾祖病革札至京星夜奔馳上道抵家而曾大父
歿已月餘矣伯祖幾不欲生哀毀骨立庭有桂晝夜撫而
號泣曰此吾親手植也樹猶在親安往耶桂立斃服闋以
精耗不堪事遂絕意仕進往往以詩文自娛又嘗撰點爾
何如一節題一篇一格凡百篇見者莫不嘆爲奇絕遠近
慕其老宿爭迎誨子弟而以窮經老於塾云享壽七十有


五卒於雍正七年己酉葬瓦山曾祖墓穴之次原配王孺
人繼李孺人子二長卓乎次協元皆應舉子業孫男三亢
宗獻三振宗亦業儒


嘉慶歲次己未

姪孫

蒼存

沐手拜誌





蘇軾蘇軾詩集卷之六

宗雅三張宗衣業辭

人雖李徽人千二劫卓平太謝黃外


正...

坦齋貽庵兩先生傳

先生諱震字履吉坦齋其號也先生生兩歲而孤無兄弟
惟一女兄及長奉母周太君命惟謹遣從名師游先生性
敏而學勤焚膏繼晷兀兀窮年文名大振弱冠後游庠諸
名士皆愛敬之莫不願與先生交者屢赴省試輒落孫山
先生喟然嘆曰吾固知窮達命也自今以往草堂松菊娛
吾老矣乃不復言功名事惟日與田夫野老話桑麻課晴
雨徜徉青疇綠圃問家故饒積而能散每歲暮寒者衣之
饑者食之逋負者蠲之計不下數十百人而掩骼埋胔大

則棺小則構不少倦也艱於嗣晚乃得一子俱嶄然見頭
角長卽貽菴先生


先生號貽菴諱絃彩字賡雅郡增生也坦齋先生卒家事
叢集先生先生不以事冗廢學日則理繁治劇夜則黃卷
青燈博聞強識爲文章悉貫串經史而尤篤於倫理上奉
慈親以孝下撫幼弟以友立躬持家中外斬斬弟旣長爲
之婚娶析先人產秋毫無所隱先生文行兼優然屢困塲
屋年五十有六應金陵試擬元復落因成疾越兩歲遂卒
夫以坦齋貽庵先生之厚植而兩世咸老於一衿天將有




意於其後乎譬之松柏然擢幹巉巖之山土膏沃其根雨露滋其條而干霄蔽日會有期也爰以俟其後人

錫山吳

俊拜撰





玉馨公傳

嗚呼孝弟之難也先代或不乏人近世不少槩見蓋能孝者必弟能弟者必孝觀其弟而孝可知耳得之目擊之敬之慕之心識之而永矢勿諼宗人中可謂無忝所生者惟公一人而已公諱瓚字玉馨禹人公之次子也禹人公生二子長萃拔公次卽公也予生也晚總角時公年已老其事親不及稔知然相傳其性純孝侍養無違喪祭哀禮交至固籍籍人口問并有云親病劇割股和羹以進親病遂愈一事詢公公諱此其有無姑不具論至其所以愛其兄

曹上卷三
而情誼懇至則其尤大彰明較著者也萃拔公遊庠後遠
幕在外數十年不歸公使人遠近徧訪終無音耗每於歲
時伏臘無不歔歔泣下曰父母生我兩人吾兄竟終不我
見耶後有人來云家於福建某縣某鄉公卽不惜重貲命
其子雍往迎之而公已歿矣扶櫬歸禮葬於父塋墓次初
萃拔公之出也已與公析產異居及其出蕩然無餘矣家
有男五人女二人俱幼公撫愛如己出以長以教俾至於
成人女則厚奩以嫁男則授其室宅其宅佃其田使各得
其所而始安厥配須孺人亦同心幹辦無倦容亦無德色


此誠當世所希聞者矣觀公之所以愛其兄則其無憾於
孝也豈虛譽哉若夫濟困賑貧好施與喜賓客忠敬延師
義方教子諸大端則尤里黨中無與頡頏者予幼失怙恃
家貧不能自存公見而憐之令與其子四兄廷衛五兄佩
蒼同受業於武進賓石鄭夫子之門不惟伯與姒愛之如
子卽兩兄之式好如同胞然今雖幽明異路三十餘年常
于夢寐間晤對猶恍若垂髫同硯時也茲因續譜聊總其
顛末而爲傳至公壽考維祺與氏偕老子孫振振生年卒
葬備載世系故不贅

嘉慶歲次己未九月

姪

蒼存

謹識



Faint vertical text columns, likely bleed-through from the reverse side of the page. The characters are mostly illegible due to fading.


玉馨曹公傳


君諱瓚字玉馨父禹人公生二子兄雲邑諸生其次卽君也生而孝友聰穎就學纔二年經書卽能成誦以家門多故遂至中廢而雍容任恤鄉里稱善人焉禹人公早世君哀毀過禮旣而以母柳孺人在堂恐滋其戚更勉爲愉婉服勤左右柳人孺疾計無復之乃割股爲羹以進竟得起後數年卒君廬墓以居至滅性兄遇官禍君毀家以舒難卒於外郡五子二女家業凋零又爲歸其喪復經理其家而嫁娶之各授以產廢而復興者再焉族中有不能嫁娶

者又未嘗不爲之盡力又嘗路過南北沙時值風潮大作
民不及防漂沒溺死者無算君慘然動容集圩長援以貲
使葬埋之兩沙之人至今稱道勿衰初君未弱冠有風鑑
家指以語人禹公曰法當天禹人公甚愛之于是益力於
爲善竟躋大壽則報施之天可徵矣君生於康熙癸卯正
月十九卒於乾隆癸未五月初二日享壽八十有一配須
孺人能執婦道以相厥家壽七十七先君卒子男五人長
掌衡公次在中公金萌公皆太學生先公卒次廷衛公卽
今重修族譜者也次佩蒼公亦太學生先公卒女二人長

適顧協三次適吳滄溟孫男十二

通家眷姪趙曦明拜撰





蘇州府三十八縣吳郡縣志卷十二

蘇州府志卷之十二

太學生敬思公傳
公諱觀字敬思詞臣公之子也公天性純飭弱不好弄長
而凝重寡言刻志讀書善屬文總角時與童子試無不前
列邑令陸公次雲葉公紹元交口極贊曰雋才也亦端人
也以禮致之門下後入太學屢下南闈薦而不售及壯丁
外艱而家事屬公矣居喪哀毀骨立慟曰今而後不能一
意讀書顯揚吾親以慰先人於地下終身言及無不潸然
公姊妹兩人一適觀山耿氏一適邑城趙氏俱少寡守貞
甥幼無怙公延至其家撫其甥如已出擇各師與其子同


筆硯而學業有成至於族黨之貧者周恤之無吝色親朋
之困者拯濟之無倦容遠近無不盡懷其德公醇謹人也
不以言矧先人然極宗族之好爭而鹵莽者事有不平見
公而莫不爲之心拆由中發外其言藹如服其仁也一介
不取服其廉也心無畛域以理論人服其公而恕也聖人
之所謂片言可以折獄者其公之謂歟感念曩昔公招余
而謂之曰族譜之散亡已久吾年踰七十網羅舊文參互
而考訂者已歷七八寒暑矣今輯錄告成子其爲我閱之
彙捧而讀之未嘗不驚歎欲絕也其在詩曰孝子不匱永

錫爾類又曰子子孫孫勿替引之斯譜之謂矣公享壽七十有三子既生子孫又生孫匾其堂曰五代一堂嗚呼天之報施善人夫豈爽哉厥配劉孺人端靜賢孝不苟訾不苟笑年過八旬足不踰閭聞者莫不慕其懿範云

姪

蒼存

謹誌



許笑其辭八位皆不備請明...
 之將就名大夫豈爽錯...
 十許三平...
 洪...

亦輿府君傳

嗚呼先君子之捨不孝而長逝也不孝十四齡耳慙今年

已七十有一猶落魄諸生中顯揚終成夢境而猶不蹟先

君子生平筆諸家乘不孝之罪愈甚也先君子至性純孝

沉潛好古聞之伯祖聖俞公嘗器之曰習俗所移豪傑不

免唯子不然而慈祥篤實古人中乃見彷彿其事吾祖不

孝不及知其事祖母也視聽於無形聲家貧缺甘旨不得

已館於外然不出二三里數日即歸省微窺祖母顏色懽

然婉容侍飲食稍拂意率吾母跪請痛自刻責必俟祖母

色解意釋然悅然後敢安後吾母卒尤不忍暫離朝夕每

晚必親滌溺器兼以

不孝

等姊弟三人艱衣食其辛苦真

有不忍名狀者而先君子亦遂以憂勞成疾矣卧病醫藥

罔效久之愈劇

不孝

坐於床而泣先君子諭之曰修短數

也但汝母亡祖母老矣恐益祖母之悲也旋飲泣不出聲

既又曰汝非福相兼恐少壽然竊念吾祖吾父多厚德予

雖無能天未必乏余祀也勉旃敬事祖母勵志讀書執祖


母手曰空生不孝也一慟而絕嗚呼痛哉迄今歿已數十

年而里中長老言及無不咨嗟太息曰此仁人君子也所

館處無論識與不識莫不曰自先師辭世未聞有仁慈和藹如先生者也言之皆歔歔感泣嗚呼先君子之純行誠有如伯祖所云者奈何生不孝一人不克自奪抑鬱窮愁

抱此蠹簡殘編於青衿老廡中也夫豈先人之志哉念及此亦不禁嗚哽欲絕筆不能下云府君號亦輿諱兆孟大父聖唯公仲子配吾母陽邑焦里仇孺人享年四十有八卒於乾隆七年九月初一日與吾母合葬於宅左東槿基

不孝男 蒼存 泣血百拜謹述



Faint vertical columns of text, likely bleed-through from the reverse side of the page. The characters are mostly illegible due to fading and ghosting.

國子監生曹君掌衡傳八出

君諱雯銓字掌衡玉馨公之子也玉馨公子五人君實居長未弱冠身長玉立擅能文聲應院試爲有力者奪因援

例爲國學生已而次第早世餘皆幼玉馨公春秋高不勝西河之痛而君爲家督事無大小萃於一身以此不克卒業於儒性復孝友豪爽上事玉馨公暨母須孺人盡色養之道下延師以訓諸弟殫培植之方終身未嘗衰倦族人

有鬻其女者捐貲贖歸擇壻而嫁之乾隆丙子歲歉民饑邑大夫周公設粥賑饑以厥務屬公君措置有方所活甚

曹氏宗譜 卷三
衆因舉以爲社長先是社穀之出借者往往貧不能償其
存貯者又爲經理者節次移那一時無抵補君既受任一
無所問悉以已貲代之至於家爲之索與人交言合則卑
幼怡然以順不合則尊長亦動色而爭然任直而行無所
回曲鄉里亦以此服焉生於康熙戊子十二月十三日乾
隆壬午正月二十七日以疾卒年五十有五配顧孺人有
婦德年四十三歲先君卒生子男三人長思愈配顧氏次
思恕配殷氏出嗣次房季思熹未娶女二人長適申浦繆
秉謙次未字繼室黃孺人出 通家眷弟趙曦明拜撰


邑庠生續三曹公家傳


世有苦志厲行至老而彌篤者謂足以傳於後乎曰可蓋
苦志厲行者多矣或出於一時之窮一節之苦若其至老
不倦則其生平之軫軻操行之奇確而又至死而無以悔
其心改其節則其人心之苦有不可不傳者焉余姪女
之翁續三曹公所謂苦志厲行至老彌篤者也公少失怙
恃不及事父母年十四依伯母陳氏以生家祇竹椽二間
田八分饘粥時時不給年十六無力從師卽以硯田度日
三十六歲進邑庠淑配張孺人無出及娶妾顧氏生一子

應虎時年已四十二歲矣其事伯母陳氏也母少寡有子
早歿無後視公猶己子然母病在床亟二十七月公親滌
溺器侍湯藥母八十一歲卒公喪葬盡禮所謂事伯母猶
親母者乎性嗜酒家徒壁立然未嘗以榮利干人非公事
足不至城府惟苦志折節一生務舉子業下鄉闈十五塲
期欲一報鬻閔也然不得一售其技年七十九歲從金陵
抱病歸以卒所謂老而彌篤至死不倦者以此夫至其一
生幹濟之事興建祠堂續修族譜人人所共知抑家乘自
有傳余不具論惟論其生平志節而已嗟乎世之瑰意奇

行負不世之槩而卒不遇者何可勝道余獨悲公之老死不遇而卒不悔也於是乎書

姻教弟繆麟書拜撰





不識而卒不辨也效其平書

歐陽文忠公集卷之...

汴貧不辨之藥而卒不曉音何何烈也余識悲及之也張


默雷公傳


孔子曰雖善無徵無徵不信祖宗代遠年湮之事一時失傳後世子孫不詳考其事之有無私據臆見托楮墨而虛譽之譽其親者與毀其親者罪厥等默雷公事蹟不可盡徵也不盡無徵也請徵之郡志人物卷而謹傳之公係前明鴻臚寺署丞應奎公長子登崇禎辛未科榜進士授福建莆田令初公父甚貧父玉宇公撫如己子教養備至筮仕後公之報叔父者恩禮甚渥其令莆田也甫下車卽置義田增廩祿語諸人曰民惟邦本土廼民先愛民所以培

國基體士所以儲國用故邑遇災荒民無菜色而鄉會試之連翩上者皆公所賞識士莆田人立坊誌之以曹公衡鑒顏其額焉盜海長橋久廢渡川恒遭汨沒公愀然曰子產聽政以秉輿濟人惠矣於政未平也請捐俸獨成之迄今登此橋者莫不仰爲寶筏慈航云前數年鈞於蘭陵旅舍有客自莆田來者詢其事與郡志所載大約從同是又得一徵矣公宅在閘西將之任捨宅爲菴延僧以居自署其名曰綠蘿致仕歸買宅於郡遂隸武進籍縣志中江陰武進兩收之夫莫爲之前雖美勿彰莫爲之後雖盛勿傳

鈞敢謂能傳其事哉猶有徵也善忍忘也列郡志卷推古
人物傳家乘中不足爲賢祖宗乎謹傳

二十八世孫大鈞拜撰





二十八年...

人...

...

野松公傳

二十八世孫大陰則首拜題

野松此係鈞二十三世本支祖鈞幼時曾聞祖行輩述其事云公少最剛直豁達有大度英氣逼人師事兄默雷公默雷公教之甚篤默雷公者野松公之父玉宇公撫養栽培而克成進士者也明季有派當糧長之酷例家素封者充之運糧抵京有靜候多厯年所尙未驗收者有屢腐屨賠至身喪其役猶未了仍飭隸籍之州縣着子孫完補者非財與勢之足以徧結當道不能返也公性素剛直剛直則易招怨遂爲仇家所陷報充白糧長憲令至公母管太

宜人聞之泣喪明家奠而往適欽差之司糧吏爲默雷公
同年進士甫接見卽諭收未數月便抵家家甚驚愕拜跪
管太宜人膝前太宜人徧摩撫其體至腰下有痣喜曰是
真吾兒矣兩眼復明鼎革後家業蕩然公復以科第從事
戎行所獲俸薪得恢前業撫孤姪奇讀書成名而公之子
彪輩蜚聲庠序年逾六十乞休歸田與繼配沈太宜人徧
徃於小園中怡情詩酒壽登九秩無疾而逝祖行輩所述
如是及觀公之自敘益信鈞不敢妄譽也仍其敘而謹傳

之餘悉載世表 一二十八世孫大鈞頓首拜撰

醇儒公傳

儒一也而有君子小人之別焉古已可慨今可待言公少年嗜學弱冠游庠敦品行嫉浮獯去欺存誠力崇實學名以命志真不愧醇儒矣操養性深風骨獨樹勿誤入於小人之途而醜致於君子之域儒者如公庶幾有大醇而無小疵足爲後學立之鵠云

二十八世孫大鈞拜撰

倬雲公傳

讀書之道難言哉貧者不能讀富者不屑讀卽有自好之
子弟能讀矣而境轉貧貧卽廢學吁豈學果有累於境乎
抑境果有累於學乎公家素豐厚公之府君復以科第登
仕版而公率昆季子姪輩以孝行先學繼之迨後家業就
衰學益篤不爲境易聞公性最嚴肅朔望必合子弟衣冠
拜於堂下行其庭秩如也詔子弟曰天地間詩書最貴家
庭內孝弟爲先書而懸諸堂垂爲家訓爲之後者聞祖父
之風能不惶然自愧也夫

起瀆公傳

立品者未必能文能文者未必敦品二者兼之惟公克盡
公負質過人其力學也人十已百弱冠應試三冠童子軍
士林咸稱爲小三元云家居講學寒暑不輟語以世俗事
輒揮手不顧方正雖本於性成亦由胸中之醞釀者深也
公生三子庭訓最肅課讀之暇或吟風弄月或飲酒栽花
作詩文以寫志著作甚夥遇火災悉皆焚失猶記其春日
偶咏有門栽岸柳何須五手植庭槐却有三之句噫何寄
興之遠立意之高歟

二十八世孫大隆撰

興之數意文

二十八世孫大鈞拜撰

斷起有門殊峯

非端文以思法

公主三千


轉轉手不離衣

士林無蘇益小

公負賢識人其

立品皆未必論

跌聲公謝



舜儀公傳

鈞幼時嘗讀公稿幽折古峭如含雪咀梅寒香之氣沁入
心脾百讀不厭公子鼎爲鈞言公與同里凌公春最友善
無日不相過從至則煮茗論文互相砥礪絕不與戶外事
久困場屋每榜發歛噓泣下者纍日功名志老愈篤病急
時枕上猶作吟哦迨後凌公成進士而公竟以諸生老嗚
呼窮通命也用舍時也於公復何憾焉

二十八世孫大鈞拜譔

二十八年十月

列漢嚴命出川


人附獻皇我

無日不眠嚴

心轉百結不

此血研嘗蕭

發聲不替



莊仙公傳

甚矣哉世俗之所見卑也與之登明堂而覩夏鼎商彝反
不若就里閭而問陶冶釜甑也與之召太師而奏朱弦越
瑟反不若遵下里而聽白雪陽春也古今之好人品判焉
惟公端巖正直骨重神寒識者早欽爲天廟器其如潦倒
諸其艱於知遇猶幸有子克家晚景稍裕而公之散本飭
行進禮退義歷一生如一日古心古貌斯真先民之矩矱
歟世俗中誰知之而誰好之

二十八世孫大鈞拜撰

其世谷中諸侯之所歸後之

許遊斯處漢魏一少惟一日古心古

清其聲氣味醫其淳淳于京家鄭景


其公淵淵五面曾軍物家蕭香早於

瑟又不苦澁不里而飄白然

不苦澁里則而則則各登齋出與之

甚矣齋也谷之泐良卑出與之登即

燕山公齋




于朝公傳

公少習刑名之學性寬而好仁爲當道所心折舉於部例
銓縣丞公喟然曰丞哉丞哉丞不負予恐予負丞辭以疾
不赴鄉里以事往愬面斥是非不爽也夫四時之序成功
者退惟公少勞案牘老息山林知消息之機享兒女之福
非別具灼見者其孰能至於斯

二十八世孫大鈞拜撰

二十八年...




春... 不... 公... 干...

晉植公傳

鈞見世之自號爲瀟脫者矣居先生位並先生行責之以少儀弟子職俯而不答且仰而笑曰嘻將焉用此夫禮爲教本禮之不講教何自成公素性謹恪凡祭祀賓客必誠必信一於禮而不苟知非徒外貌以將之者也典型猶在古道云亡安得盡如公者而與之訂禮文習揖讓爲吾族中輕浮子弟樹之閑哉

二十八世孫大鈞拜撰



中辨...

...

...

...

...

...

...


大父殿伯公大母沈太孺人合傳
嗚呼惟我大父大母存仁種德克儉克勤子孫安享其遺
業者歷數十年於茲親族長老多誇道之爲之後者忍忘
先人之事實使之日孰湮沒耶鈞謹按其所聞與所見而
敬述焉以爲世世子孫法大父昆季五人
大父知識最早
未弱冠卽能分父母憂曾大父母獨喜之日有子如此不
憂貧矣後娶大母沈賢能稱女中冠事舅姑相夫子婦道
克盡曾大父母尤鍾愛焉曾大父歿生計益艱負債累累
時大父之昆季東西奔走各自爲謀而催租索債者門無

虛日曾大母心甚憂大父慰之曰丈夫不能建功立績爲宗祖榮斯已愧矣矧此區區財貨何難創業以成家耶兒請獨償後數年果如志不派及昆季并不言諸昆季也大母多戚好見大父忠信誠篤俱樂部焉家漸裕買宅以居及後分析家產大父語諸昆季曰予業足謀生室堪容膝差自足又奚求諸昆季好自爲之片瓦寸椽不取也至曾大母之養生葬死費皆出大父云大父少習賈以賈起家凡貿易往來必誠必信聞其名者皆樂就之利市三倍堂構聿新爲吾父吾叔完婚娶成功名殫精勞神而年亦再

冉將老矣大父之季弟殿邦公無出且無恒產大父與居
焉病篤嘗撫季弟手且泣且言曰吾與爾親兄弟也吾有
子而汝無兒子死何以安命叔父曰汝承季父祧事叔如
事予大父歿大母逾十八年而逝世之日孫曾繞膝子婦
環牀詔叔父等屬之曰汝父存仁種德克儉克勤汝輩宜
努力加愛恪守先人業栽培心上地毋自逸毋過刻寶奉
我語我子孫庶世世勿絕乎迄今日者對饘粥猶大父大
母之遺澤也撫茅廬仍大父大母所庇蔭也積德者昌爲
善必報然歟不然歟是則大父大母之佑啟我後人者寧

淺鮮哉傳之家乘用矢勿諼

孫男大鈞百拜謹撰




Faint vertical text columns, likely bleed-through from the reverse side of the page, containing various characters and phrases.

殿卿公傳

公與鈞大父爲親昆季少時刻志勵學饘粥不給怡然也
十赴童子試不售喟然曰讀書豈爲功名哉遂棄舉子業
益潛心於經史手披口畫寒暑無少輟焉鈞每見必重勗
之以文請質剖析疑義瞭如指掌家居課徒門下多英俊
性古質輒與世俗相左吁世之同污合流求媚取容而直
道之行已寂寂不少概見洵如公者其猶古之人歟緬厥
風規猶令人遐想夫三代之民也

姪孫大鈞謹撰



Faint vertical text columns, likely bleed-through from the reverse side of the page. The characters are mostly illegible due to fading and ghosting.

庭輔公傳


福壽之難全也自古爲然享祖宗之餘蔭或夭折而不完則獲福亦屬虛名得耄耋之大年或飢寒交迫則有壽反爲多事福壽克全者惟公也歟公之府君困厄諸生四壁蕭然公以儉成業以德裕家名振里閭聲馳辟雍撫姪如兒孝友備至諸郎鼎立迺武迺文年逾古稀精神矍鑠望之者疑神仙侶矣路崎嶇行者凜慄解囊修砌善舉獨襄

君山巷山至東嶽殿前街道公獨力捐修

迄于今行其衢者如履康莊如登仁宇其

福與壽更綿延勿替也哉

姪孫大鈞拜撰



Faint vertical text columns, likely bleed-through from the reverse side of the page.

孤神不...


府君清宇公傳

府君清宇公諱泰大父殿伯公冢嗣也幼讀書目數行下
師友盡稱羨惜體最羸弱大父母過愛之恐其力不足也
令入太學工書尤善歐柳多道義交朋從往來學問之外
無他及事大父母惟謹兄弟之間怡怡如其教不肖輩
必先器識而後文章吾父之亡也時年三十有八耳猶憶
托孤於季父曰天下第一件好事還是讀書成敗命也盡
其在我者而已此吾父之教也吾母撫之吾叔成之府君
素謹慎動容周旋皆中禮見賢思齊嫉惡如仇居於家言

川和公傳

聖天子崇文講武鹿鳴增嘉客之榮兔罝寄干城之任學
書學劔悉期有成以儲國用而已公由武庠投營効力雍
容講射瀟洒談兵有古儒將風瞽力方剛前途正遠持矛
執戟衛紫閣而列金堦公其選也詎料甫經擢用旋丁母
艱服闋推陞忽遭中折哀何如之君恩未報大志未成九
原有知當必爲疆場效命之鬼矣

侄大鈞拜撰



Faint vertical text columns, likely bleed-through from the reverse side of the page. The characters are mostly illegible due to fading.

代林本

族兄天祈公傳

族兄天祈名仁進武進小河里人也性孝友事二親先意承志無纖毫違昆季三人相好無尤一室之內欣如也好讀書習舉子業有能文聲緣家務冗雜父繼臣公日不暇給兄爲家督起而佐理故不克卒業於儒然稍暇手未嘗釋卷後繼臣公卒葬祭以禮與母顧孺人遵遺命爲弱弟謀室爲幼妹治妝拮据捋荼遺業不墜兄之力也兄居家樸素衣服飲食無紛華而賓朋親戚相過從則酒食必腆欸洽綢繆極歡乃止性坦率與人交言合卽卑幼亦怡然

任遠公傳

公諱毅字任遠岩起公子也公兄弟四人皆謹敎之士公
尤散厚好讀書雖嚴寒酷暑手常不釋卷後以佐兄家政
遂棄舉子業家近市通有無持權算要未嘗有爭競心持
家有法無私好惡子弟輩閒燕時衣冠不整見公輒愧沮
不自貸當是時也內言不出外言不入各以禮節相尙故
其子若孫猶循循矩步皆公之教也嗟乎人以蘊利爲子
弟計公必以積善爲先人以居室爲溫飽謀公必以急公
爲念以故解衣推食而一無德色修葺家廟而訖無惰容

曹上... 卷三
至今鄉里猶稱爲長者其籍籍人口也不亦宜乎予生也
晚未及親炙公之訓諭今其裔孫以重修族譜欲補傳於
予予愧不文顧以忝在同里聊以所聞於今者書以質之
寰渥爲何如也公壽七十有餘德配顧氏尤有古德耀風
其誕辰卒葬譜牒載之甚詳予不贅
道光二十二年癸卯菊月

大端... 後學金安世拜撰

公... 人皆勤... 之士公

外... 公...

廷瓚公傳

夫人自漢唐而後澆漓日盛譏詐成風如鬼如蜮不堪復
問矣况當江漢之間地浮土薄輕儇相習自古而然欲求
肫篤樸茂如古之人者豈易得哉乃吾鄉廷瓚曹公者温
恭靜默介然自守渾渾淪淪不見可否非其心許棄之如
吐未識逢時只知倣古非猶古之遺直乎抱此數端不合
于時每欲下彭蠡泛洞庭尋匡廬適洛川遨遊遠覽庶幾
得一如古之人者而友之乃迫於堂上之奉養不果出於
是混跡韜光矢志田野督豎而耕飭婦而織於春秋慶吊

外里人鮮見其面故公之幼時家道單寒至後竟迄小康
然鄰里貧乏之家無不沐公之德者於嘉慶乙亥年九月
廿九日卒猶諳諳然以古之人古之人訓子孫焉公配姚
孺人朱孺人相繼逝世後配劉孺人亦謹恪有賢聲云
道光癸卯菊月

邑城邢子和謹撰

聲振府君暨李孺人合傳

府君諱小初號聲振文烈公子也生有至性六歲喪母哀毀如成人時姑丈李廷璐公卽不孝之外祖見而嘆曰是兒當不落魄遂以季女字焉及長迎娶憫府君貧厚贈奩貲而母孺人性尤醇謹不傲與府君相將操作有德耀風惟是大父文烈公素性揮霍樂施予更喜與親朋宴會飲酒賦詩不自知其貧也而府君與母孺人曲意承順恒相謂曰但得老父懽卽貧困庸何傷甚至鬻奩田無怨心不數年家果落府君與母孺人藜藿自御猶必多方措置以


甘脆奉色養於嘉慶乙丑年大父文烈公邁疾革府君親
侍湯藥日夕籲天願以身代無何病卒不瘳數月尋斃居
喪戚易交盡終不以貧故虧禮節鄉里咸嘖嘖歎羨之喪
葬畢府君勤於耕母孺人勤於織齊眉舉案雖簞瓢屢空
晏如也既乃否極泰來日漸饒裕十餘年間置田產拓第
宅稱素封矣然而食飲服御不肯稍爲浪費晨昏門戶必
欲親自檢點每當歲時致祭則必極其豐潔而猶以祭之
豐不如養之薄歛歛累日其終不忘親可知也夫君有善
而不爲之頌揚臣之罪也親有善而不爲之表著子之咎

也以吾府君與母孺人之懿行若此而令之湮沒無聞可
乎爰謹述其梗概以誌之庶後世子孫知所法守而不敢
以非幾隳祖德也至生年卒葬子女嫁娶姓氏則譜牒詳
茲之不贅云

不孝男

熊占

百拜謹誌



木等民... 百... 臨...

Faint vertical text columns, likely bleed-through from the reverse side of the page.

勝通曹公傳

公諱勝通多學公之第四子也公幼失怙瘠產勤耕兼涉
陶朱業不十年而膏腴之田輪奐之室鄉黨稱焉凡貧者
有求於公則周卹之至再至三亦無所吝或久負不能償
輒焚其券鄉黨更稱焉公貌魁梧性渾厚言行肫篤而明
敏過人戊子後屢遭橫逆破產過半公曰禍福之至天也
處之泰然已而舉爲鄉約里人有忿爭者公一言排解無
不釋然會歲荒旣借里人協力捐輸又傾困粟設糜粥於
路以哺饑人蓋公之仁恕有夫識如此公生於乾隆丁酉

六月廿四日卒於道光庚子二月十四日享壽六十有四
葬松墳頭乾山巽向配何氏有賢德子一德根先卒孫二
士榮士良余於壬寅歲館其家公歿二年矣而稱其懿行
猶不衰士榮因以傳請不揣庸陋為述大略以俟後之人
有所考焉

道光二十一年壬寅仲秋年三亦無誤王廷椿拜撰

剛未業不十卒而膏剋之田鍾典之室朕黨辨意長官首

公精淵敏冬學公之策四下也公也夫也歡氣謹排葉於

淵敏曹公朝

正安公傳

正安公諱煦麟音公子也爲人散仁好義不事浮誇其居常教誨子弟皆以質樸爲本公雖素封與人交接一無驕情容貧乏親族求之無不量情而與縱不償還亦不與較并無德色歲饑則首倡捐議以卹鄰里之貧困者然此特公之一端也公之德在宗族爲尤甚吾東五分初無祭田惟有息銀數兩冬至祭費皆取給於初生幼孩謂之喜兒錢數不滿然後及於長者以至分中貧乏之家有沉溺幼孩之慘公曰育子孫原爲祖宗計今爲祖宗而反害子孫

豈祖宗之意乎由是與吾叔祖文德公將息銀權子母謹
出納數十餘年置田若干畝息銀若干兩至今凡宗祠春
秋祭費修葺祠宇重修族譜不費分內絲粟此皆公之德
也不可以不書族譜纂修寰渥竊與其役故樂而爲之傳
道光二十三年癸卯孟冬之吉 泃瀝里之貧困者然其

節容貧乏賦刻求之無不量酌而興辦族孫澤拜撰與

常修滿千餘昔以質對本公雖素性與人交對一無

五安公精熟黜音公于出爲人婚下我難不專對其

五安公

協和曹君家傳

協和曹君者宗灝公之子也諱近仁性純孝年十七居母喪哀毀盡禮三十一遭父病割股和藥以進竟不起君仰天哀號幾不欲生其至性類如此家不中貲君節儉刻苦務耕織課農桑無閒寒暑家稍裕君本儒士也聞君名延爲弟子師君盡心力所至有賢聲向之掣肘者今乃漸饒矣其接人也寬厚誠篤人推爲長者鄉里是非顛倒就質於君君爲之剖析論列釋然而去訟端以之息人咸敬之道光十年以疾卒壽五十五歲德配趙孺人相夫人亦以

孝行著而勤儉倍焉壽五十七歲長蔭培次榮齡卽吾婿也忝居孝末知之最悉故樂而為之傳

道光歲次癸卯季秋

...


...

...

...

...

...



錦齡曹公傳

錦齡公字紀綱暨陽之虞門人也性純孝八九歲時以父鳳輝公有羸瘦之疾佐母劉孺人侍湯藥床前見其毀瘠不堪淚嘗涔涔滴也父鳳輝公因指公謂劉孺人曰有此子吾縱不諱汝無憂矣至長益孝謹十五歲公父卒而公之不解衣而寢也已數年矣自公父卒後家業益落公上事寡母下撫弱妹辛勤黽勉未嘗以家累致堂上之憂也朝夕必效老萊故事以期母歡故劉孺人至七十餘歲而卒未嘗一日有戚戚之容者皆公之孝有以慰之也公五

十歲居劉孺人喪猶孺慕如孩提嗚呼若公者其可多得
歟厥配夏孺人亦以孝聞蓋亦以公之德有以及之也公
於道光二十三年閏七月二十四日卒子一培元媳耿氏
以公之卒也哀毀過禮嘔血數升而歿豈非以孝而得孝
之驗乎不韜必無憂矣至其益等輩十五歲公父卒而公

道光癸卯菊秋前出父鳳聯公因託公賄賤語人曰官此
鳳聯公官瀛海之北卦母陽邑庠生沛林徐澍拜讓與春
嚴儲公字際聯豐豐之真門人出卦蘇季八丈鐵制以父

嚴儲曾公樹

青岑先生家傳

先生諱杏喬字屏翰一字兆熊青岑其自號也世之能文者皆稱之曰青岑先生少時爲文章跌宕經史怪奇自喜學爲四書文繩趨尺步每苦拘束而其才之不可掩直欲與熊劉爭席應童子試獲前列不售遂棄去而益肆力於書其書慕好在幼自鍾繇以逮趙董無不購得名帖各窺堂粵其始寢饋於右軍學之幾十年其後得力於顏平原沉酣者幾二十年嘗云右軍書聖洵無媿色若魯公之雄秀沉鬱不從事於此將安所托業哉其他如唐之李北海

曹氏宗譜 卷三
宋之米海嶽嘗以之書碑無不酷肖蓋其參酌衆妙而又
能裁以精心故得聲稱遐邇名播士林吾常鄉先達如劉
松坪太守亦有書名乃得其便而愛玩不忍釋手旋即延
至其家盡其興之所至亟稱之曰吾常能書向持錢李如
君者常與野余鹿籽鼎峙矣性亢直任氣用財慷慨好施
與每遇歉歲常入局赴捐顧以碌碌無奇節思欲援例爲
縣尉以發抒其胸中磊落之氣尋以銀歉中止而產已出
家遂中落先生亦不之悔既而語人曰吾不幸而使此事
之不成也吾猶幸而不成免仕途之險巖也遂一意於筆


墨詞翰其於詩好覽其寫懷之摯體物之工其於文喜探
其曲折粵衍之趣具他平直一覽無餘者輒掩卷不卒讀
蓋靜中之所得類如此又好讀異書自前代野史說部以
及近時名人所錄見聞無不一一讀之以窮天地之怪偉
好吟咏古今體多清婉可誦然其稿存者僅十之一嘗隨
所親作豫遊筆墨酬應無虛日也越二年而歸仍理故業
而書學日益進求書者亦日益夥先生之書大抵以神追
不以迹著莊生有云郢人運斤成風墜盡而鼻不傷者可
以想其揮毫縱筆時乎故其自銘於壁間云用筆在曲不

在直運力在空不在實一語可想其渾勁而超超而仍渾
勁者矣先生雖剛直不容物而生平有面折無後毀人有
過惡絕口不談以故人無懷怨者酒後則嘻然談古今人
物以相勸懲間亦援引隱僻使聞者驚嘆不已望之童顏
自髮長鬚飄然蓋其所得爲不少矣年八十猶書大額歲
辛丑冬十月以壽終嗟乎如先生者世不多覩顧乃隱於
書悲夫讚曰 昔蘇東坡此又其類也書自前外裡史館
自古善書首推二王唐臨晉帖各擅其長先生之書與古
相當幼事王母寘帖盈箱爲鷹爲翟物愛心臧服膺顏氏

雄健殊常其文甚邃其性則剛其財好施其豐孰防皇華
未賦負郭潛妨一笑付之斯文孔彰有子能讀有孫琅琅
曾孫見矣掌珠旋戕後起勝焉神兮扶將大耄何嗟仁壽
熾昌善積慶餘翹首嘉祥瓣香其人盍稽行藏玉采其文
蓋珍篇章長君知交爰書數行貽芬孫孫懷允不忘
道光二十三年秋八月

戊子科舉人大挑一等卽補知縣眷姪談灃拜稿

在直... 先生... 物而生... 有...



過... 夫子... 舉人... 無... 樂... 樂... 樂...

後... 光... 平... 三... 平... 林... 入... 凡... 隱... 僻... 使... 聞... 者... 驚... 嘆... 不... 已... 望... 之... 意... 願...

蓋... 矣... 益... 章... 疑... 昏... 朕... 交... 矣... 書... 嫂... 存... 韻... 哀... 慈... 莊... 對... 汝... 不... 忘... 願... 哉...

歟... 昌... 善... 蘇... 烈... 翁... 驪... 首... 嘉... 輒... 饒... 香... 其... 人... 蓋... 辭... 存... 蘇... 王... 采... 其... 放...

曾... 濤... 莫... 矣... 掌... 廷... 茲... 此... 餘... 壯... 烈... 焉... 惟... 令... 井... 糾... 大... 臺... 所... 望... 子... 清...

未... 願... 登... 將... 醫... 故... 三... 矣... 付... 以... 洪... 文... 此... 輝... 存... 乎... 猶... 歸... 存... 將... 與... 庭...

然... 驚... 初... 游... 其... 矣... 甚... 歎... 其... 壯... 而... 剛... 其... 壯... 哉... 誠... 其... 豐... 隆... 而... 皇... 華...

曹公正邦暨陳孺人傳
公諱正邦邑西之虞門鎮人也幼嘗讀書後以田畝櫻心
乏人經理因慨然自念曰人生奮志青雲固是樂事我既
不能得志於青燈黃卷之中以成榮顯胡不向十畝之間
聽犢驅犁開窻把酒話桑麻之樂事乎遂棄詩書而習農
業公天性質樸勤儉自持每于田身為率作以導先路絕
無推諉之意業少羨則又效陶朱之舉披星戴月積有通
無以逐什一之利且農且賈數十年而家道於以日起焉
公爲人有智略望重一鄉地方有爭執必多方排解兩造

帖服不使涉於訟端故一方之煙戶稍有羨餘者實賴公之賜也德配陳氏性情賢淑伉儷克諧公有興作孺人必親攜醴肉饁彼南畝時或貿易未歸遇寒冷必整疊衣服寄送故無饑寒之慮孺人之待公可謂周且至矣居家親操井臼恆身率婦女紡織卜晝卜夜勤苦不辭雅不喜奢華不貪甘旨自奉惟荆釵裙布蔬食菜羹而已款賓客則必中饋修筵設陳楚楚絕無鄙嗇之象威望而知爲賢內助焉鄰里有緩急相告者雖脫簪解珥稱貸之無吝色嗚呼孺人之行其殆有鮑宣妻之風歟抑有陶潛婦之德歟

何古人之遺徽未泯也生子二庚申之亂長子被擄次子
增仁字禮耕公夫婦素所鍾愛禮耕亦克盡子道將順二
人且爲一族之望前歲禮耕倡議增修譜牒宗人莫不應
命贊襄以成其事今已付梓禮耕爲二親囑傳爰略而爲
之傳云之不勝意其差也

同治十年辛未冬十二月

廩生薛楨撰之以

孝子曹善富傳


孝子名善富邑之虞門人洪泗公之子也家赤貧日食不給時孝子年纔十一鄰有瞽者素爲丐遂相焉一日丐至某村孝子之戚屬也適行婚禮親朋滿座冠履燦然見孝子至招之不應意其差也道之他室別治具焉亦不食其容有蹙異之出問於瞽者答曰噫吾目雖不見而察之以心其爲家有老親在乎其戚悟趨入爲之治飯一盃酒一提饌一器曰汝先食而後攜此以奉親可乎在人情當饑餓之餘飲食在前誰不屬饜卽使食不忘親然自食而後


歸以進未嘗不可而孝子終不食也曰吾親此時未知得
食與否吾不可先之是時觀者環集咸咨嗟太息而致禮
焉遂益其饌送之歸後瞽者語人曰某相我有年所丐得
必先進其祖母及父母次分諸弟妹而後食其餘焉或道
遠不及卽返雖自朝及夕饑渴甚粒米滴水不進也如是
者五六年如一日後年稍長雇工於人得少裕庚申之亂
爲賊擄去門人閣書屬余傳之嗟乎世間詩禮之家待其
親如路人者余每日擊而心傷之如孝子者生長草野而
竟若斯求之當世真絕無而僅有者而乃不得其終且使

無後蒼蒼者天吾安得叩而問之嗚呼

同治十年辛未仲冬

道光庚子解元揀發知縣同邑守庭鄭經拜撰





曹君景星傳

晉晉川等刺劉賦陳密容嶽嶺

蓉江迤西十數里山水雄厚生其間者多讀書尚義之士或以名教自任否則亦以氣節相切劘爲一時坊表此固地靈之所鍾與曹君景星諱裕川世居邑西之虞門里幼聰穎讀書能識大義不屑屑焉爲章句之學比長益豁達大度好施予然蹇於遇蕭然四壁釜幾生塵而君處不可堪之境仍傲岸自若未嘗作乞憐態道光二十年大水瀕江素稱低窪被災尤甚邑侯陳稔君端直令辦賑卹事君多方籌畫至忘寢食鄉民全活無算二十九年水益大鄉

民困未蘇道殍且相望也是年邑侯楊復令董辦粥賑咸
豐六年旱災賑亦如之此外築圍堤建橋梁設保甲諸善
舉殆有指不勝屈者十年粵匪東竄制軍何飭下游各屬
舉辦團練君與焉爰設局於夏港與文學吳仲明糾集壯
丁悉心訓練並設誓於神前曰其濟也則與君爲江邑之
保障不濟則共以死繼之無何郡城陷大股東下君偕仲
明率勇千餘人擊於申浦力戰許久以眾寡不敵死焉時
四月十三日也同治元年當道者請於朝奉_書尚_書士
上諭吳仲明曹裕川等慷慨捐軀從容殉節著該處立祠

君生丈夫子二長執謙次耀文皆亢直明達綽有父風孫
男子四人亦嶄然見頭角庶能世其家歟

論曰曹君事畧具在卓然見幹濟才使謂以一旅之師當
數萬之賊不自量力以取危亡直事後論成敗耳向使江
邑迤東各團競奮而爲之後應其勢猶足相當以阻其長
驅之勢惜乎聲援已絕徒以孤軍血戰死而後已百世而
下有餘痛焉昔歐陽子祭石曼卿云生而爲英死而爲靈
余於君亦云

同治壬申二月下泮咸豐辛亥 恩科舉人充首國史館

膽錄王賞戴花翎山東候補知府愚弟承越頓首拜撰

余氣昏衣云

不官仙謀燕昔翅翅于

墨意香謝乎盤對互


司鼓東谷團鼓奮而欲

燥離之類不自量代以

備同曹皆事畧其奔卓

畏于四入和輝烈與

尋去女天平宜拜



曹君汝芝傳


君姓曹氏諱永川字汝芝世居江陰虞門鎮父諱殿宮母吳氏君生有異稟篤於內行性尤激烈與友處然諾不欺平居談古人忠義事輒留連慨慕想見其爲人親友有急難則奮不顧身不以艱危而阻蓋天懷慷慨已見其後日之捐軀赴義非取辨於倉猝者矣髮逆之變君招集鄉勇朝夕圍練復激勸以大義庚申三月賊氛逼近吾常何督和帥後先東竄文武員弁亦不旋踵而相率以遁四月六日常城陷君聞信身督團勇以白巾裹頭迎賊至常城北

曹上卷三
郭外見賊勢蜂屯蟻聚遂退守江陰以彼封疆大吏專閫
元戎尙望風先避君草茆土耳乃銳身赴援鄰邑其勇怯
相去爲何如也十三日賊薄江陰家人勸君行且繼之以
泣君裂背而吐曰吾團練誓以殺賊豈賊至而反走耶汝
曹各自爲謀今日乃吾送命之日也跳身率勇與賊戰手
刃數賊賊衆益集君遂爲賊所戕而江陰亦於是日陷勇
之逸而歸者備述其事家人往覓骸骨不可得乃招魂以
葬吁是可悲也君生於嘉慶二十五年己卯十月十四日
殉難於咸豐十年四月十三日享年四十一歲妻秦氏子

二長名松亭習岐黃之學善針灸今曹氏輯家乘松亭介
予門人金贊卿乞文以誌譜予向讀江上孤忠錄明季殉
難江邑獨多人目爲忠義之邦若曹君忠義洵不忝其邦
人者矣故不辭而爲之傳

同治十年歲次辛未仲冬

陽湖庠生文泉陸初望拜撰



同館十年徵求... 州縣執事... 泉剡府... 廷... 取... 汝...
 人... 不... 而... 於... 日... 隔...
 數... 人... 且... 忠... 義... 之... 准... 昔... 年... 忠... 義... 節... 不... 添... 其... 匪...
 手... 人... 金... 贊... 眼... 文... 以... 諸... 節... 于... 向... 歸... 為... 士... 庶... 忠... 餘... 則... 季... 庶...
 工... 疑... 洽... 殊... 亭... 督... 如... 黃... 文... 學... 善... 性... 矣... 今... 曹... 升... 紳... 寒... 乘... 外... 亮... 介...


潤蒼曹公家傳

庚午歲予授徒周莊路經虞門虞門曹氏者邑西之巨族也兵燹後家廟獨存完葺之餘纂修宗譜辛未冬同門曹君閣書持其祖父潤蒼公狀丐於予曰家乘就竣願有述焉爲泉壤光予曰噫傳也者傳其可傳者也君之祖卓有可傳予之文亦因人而傳矣公姓曹氏字潤蒼廷贊公之三子也性誠篤舞勺時卽恂恂如成人稍長肩家事於父母肫然也於昆季藹然也析產時推多取少友愛爲心資財則淡如也隴服先疇不辭肝胝嘗訓諸子姪曰吾人處

世不必刻意營求也盡其在我者而已余分產甚微迄今
餬口無慮自顧生平不過勤與儉耳汝等守吾言慎毋刻
薄爭競爲也嗚呼公之言如此公之心可知公之品亦可
知矣歲歉慨然曰是嗷嗷者皆與吾祖吾父居此者也必
俟在上者之賑濟給予恐不能周饑寒恐不能待也吾
行夫力之所能吾心之所安也吾子孫不至凍餒田可耕
書可讀卽吾之所以貽之者也故凡遇水旱凶荒輒竭力
捐輸於家煮粥鄰里鄉黨無不沾其實惠焉語云爲善無
不報不於其身必於其子孫公之勇於義如此公之子旣

纘承先業克享期頤公之孫復樸誠質實喜讀書寒暑無
間是知善人之必有後也公配李氏嫺靜有淑德辛苦艱
難實能與公共之公之門楣手創其內助之力尤多云
同治十年歲次辛未仲冬

邑庠生世再姪劉迺慰拜撰



Faint vertical columns of text, likely bleed-through from the reverse side of the page. The characters are mostly illegible due to fading and ghosting.

惠蒼公傳


士有身居草野家僅中貲而能磊落光明疎財仗義及死
後而稱功頌德人無間言者吾於虞門曹氏得一人焉公
諱桂齡字惠蒼少讀書明大義不屑屑於舉子業天性正
直豪爽人不敢以非義干躬居淡泊而鄉黨之善事知無
不爲廢者舉之圯者修之揆之於力可以爲者蓋未嘗謀
之於人終不憚勞不恤費以成之也道光己酉年水發地
方官奉檄發賑公本邑賑爲鄰邑所奪斯時也扶老攜幼
哀鴻嗷嗷待賑粟以舉火者數千人矣公喟然曰他邑之

民可生吾邑之民遂可死乎卽頃囊倒篋出粟以濟之鄉
之人莫不舉手加額曰此曹公之賜也邑令楊公知之歎
爲奇士手書誼散週恤四字以慰勞之至今登其堂者雖
經兵燹而楹額猶煥然在目也嗟夫世有耨耨箕帚德色
自矜及鄉里有善舉擁厚寶而吝不肯爲者比比然矣卽
不然而慕義好名慷慨自負矣又類於沽名釣譽者之所
爲甚至假公濟私自充囊橐憑權藉勢魚肉鄉人者可勝
道哉聞公之風亦可以少愧矣夫余生也晚不獲見公然
耳公名已久且公爲余母族親丁卯歲授業公家鄉之人

咸爲余稱道勿衰余爲低徊者久之今春公族人曹君耀
文奇偉士也糾族纂修家乘因念不可不傳也爲書之如
此公爲廷贊公次子庚申之變驚悸卒於家時年已七十
八矣子一弁騏孫一晉源俱公正誠樸不墜家風女一字
青山徐氏未嫁夫卒守節終身事載縣誌至於生卒葬配
家乘中已備詳茲不復贅時
同治十年歲次辛未孟冬

眷晚邑庠生朱蕃椿鏡塘氏拜撰

晉卿出朝主米藩耕穀



同能十斗穀寒米末流多字以勉勞之

寒乘中互撤精茲不與費却也

肯由分列汝就夫平

入美干一我懸燕一晉昭掛及五婦舞不割

此公靈我贊公火干與申之變燕耕卒放

吏治勤士庶然其纂新寒乘因念不臣不

無欲念職蘇內袁余無丹師清人文令春公

曹公儀正傳

老子曰良賈深藏若虛君子盛德容貌若愚蓋言用晦也
吾於儀正曹公亦云公邑之曹成巷人幼卽端謹聰慧絕
人讀書過目成誦初習舉子業卽句成法立意致可觀弱
冠應童子試便列前茅公乃面壁下帷力學益篤如是者
厯有年所課必標首試輒冠軍無如造物忌才青衿難掇
而公亦漸過中年矣遂絕意進取杜門却掃一室之中詩
酒自怡圖書花草灑如也爲人質實少緣飾身布素恭謹
持節以退讓明禮自居履信踐義不曉欺人術人亦不之

欺也視世榮利絕不介意惟刻刻以承先啟後不墜前人
遺緒爲念以本支自虞門遷居以來未有宗譜乃出資鳩
其宗人輯成支譜手錄成帙茲得虞門彙修而不致散漫
難稽者公之力也今其後裔駸駸日盛士食舊德農服先
疇靡有僭忒抑亦公之生平深自韜隱而於後人發其光
也易稱用晦而明以其此夫余故樂得而傳之以爲其子
孫之藏

同治十年辛未季冬

邑庠生劉迺慰撰

虞門先生傳

虞門先生者家虞門姓曹氏字文正人皆以虞門稱先生而先生卽人以皆稱者爲號焉與先君爲中表情最厚先君性坦率然不衣冠不見也面蒼身玉議事風生引今據古思若湧泉而風雅出之別後嘗歎曰懷才不試而心甘林野視富貴如浮雲無得而能然歟蓋沮溺流也博于古尤好術數學於青烏家言爲最醇有知其術而欲延致者趾相蹴不合其意雖再四而纍多金不往也若寒儒介士會其意者一引卽至如經剖示休咎若龜卜而燭照未嘗

不契合也人皆以術之精而歸功於先生先生歎曰天本
當福於彼也於我何預故絕不責報先生本富家子以其
求粹於古而精斯術也付家事生計於流水惟知歷覽四
方山水之奇與人之壤異者而翱遊焉以至中落術既益
精名益著人爭相延引城邑鄉僻婦豎無不相感更異者
遇人有吉壤而有停柩或拙於贊先生卽橐無金必稱貸
以貲之此世所無也又喜人說鬼狐雖有急不去也足跡
半天下交率多畸人一日自湖北省垣歸謂先君曰友人
謂僕君聲如洪鐘而近無韻目若朗星而多泛光盍急歸

乎某月日當返木也先君曰生死固有定數而君如此強
旺安必確乎不數日果得心痛疾一日夜食蘇餅數斤爲
僱筍輿送其家果前定月日卒諺云有光必發先生韜光
晦跡抱才以沒非特不能致身廊廟并以不責報而中落
其家其隱德爲何如乎可謂厚矣何天之賸賸也然不發
於其身必發於其子孫吾於先生之子孫有厚望焉
同治辛未孟冬

姻再姪王繼之拜撰

不與合也人等...

當則以此也...

則併筆末蓋...

其業其必...


其業其必...

其業其必...

其業其必...

其業其必...

其業其必...



大父芝亭公大母劉太孺人合傳
大父諱大鈞字照干號芝亭曾大父清字公之長子也會
大父生三子惟大父最聰穎齠齡時卽渾重有成人風故
曾大父尤鍾愛之曰此吾家千里駒也延師訓讀果迥出
諸子弟上師亦雅重之曰此子必成大器至曾大父棄世
時高祖母沈太孺人尙在堂大父上侍高曾兩祖母下撫
諸弟妹莫不盡禮中節及娶大母劉太孺人淑順賢能助
理家政大父於是始能稍弛其負擔而致力於學焉然家
素儉課徒束修外無他生息也年二十七入邑庠後始少

曹氏元記 卷三
裕而太孺人荆布之風不改蠶桑之課愈勤姻婭多式法
焉迨高祖母曾祖母相繼辭世大母相大父盡哀致愼稱
家而喪無過不及人咸服之嗣自內外諸事綱張日舉并
并有條鄉黨戚屬無間言雖大父之幹練使然亦莫非大
母有以佐成者也後大父屢試南闈不利喟然曰窮達命
也豈容強求於是絕意功名蒔花種竹詩酒自娛一室內
琴書圖史怡如也君山之麓有梅花書院者廢於嘉慶間
僅存基址大父謀諸同人鳩貲重建并創號舍數十間爲
同學課藝之所請於學使於暨陽書院月課中分兩課於

內故當時學使湯公金釗暨姚公文田咸契重之時於書
院中觴咏相酬一時人艷稱之至今遊其地者猶嘖嘖稱
道弗衰大父之族叔諱廓者嘗思修輯宗譜告於大父大
父喜不自勝曰此要舉也姪當任之遂傳集宗人集成世
表并自作序傳數十首凡五卷因族少富厚者而經費又
甚鉅遂中止今所遺抄本五卷是也吾父嘗爲樹述大父
之行略且以遺譜畀樹而詔之云是汝大父所手輯者也
汝大父當日嘗以此付吾曰我有志於是而不克成今以
與爾爾其珍藏弗失後有賢子孫能出而刊之則不負我

心志也夫汝大父既抱志而終吾又不能繼志汝其勗諸
樹謹誌之不敢忘故於同治辛巳虞門以彙修宗譜來告
樹卽以大父所遺之稿續成付梓今而後庶可以慰大父
與吾父於九京矣嗚呼吾大父之生平樹不得而盡知雖
間有聞於先人亦十之一二而已然卽此一二已足爲法
於後人矣必欲鋪張其事以爲美觀則譽其親者與毀其
親者罪厥等敢乎哉至大父大母生卒子女詳載世表茲
不復贅叙牀牀一類人禮禮文至今並其此皆餘刻刻無
同治十年歲次辛未十一月廿六日孫樹榮百拜謹述

禹甸曹公傳

夫人受自父母系自祖宗必有所由來也人能於本根之地立其基斯前述曾祖後示子孫繼繼承承足以垂諸不朽禹甸曹公諱南山國英公子也謹恪精明存心厚道而於綱常倫紀間尤力行不倦事父母以孝聞父母有疾衣不解帶藥必親嘗及卒哀毀盡禮人無間言中年族人纂修宗譜借公採訪公曰吾家遷居香山有年矣譜牒散失無所追求若不急爲修葺後必泯沒無聞乃不辭勞瘁不避寒暑稽墳墓詳年齒序昭穆集啟香山支稿至今支分

派別得以彙修者非公之力不及此噫水有源木有本世
之人誰無父母誰非子孫彼不思於本根之地立其基而
特好大喜功厚其所薄薄其所厚於敬宗睦族毫不關心
聞公之風能無自愧乎予生也晚不獲親承懿行曰覩光
儀卽此落落數大端已足概公之生平特爲之傳以示法
於昆後

同治十年辛未季冬

夫人愛自父母柔自厥宗
汝舟撰

作舟公傳


作舟公者諱乾字君若公藩公之長子先大父補齋公之外舅也其爲人也勤儉性成復有才幹少習典業居停甚契之數年俸日漸臻公至孝所得俸金悉攜歸以奉父母又復友愛待其弟禮堂怡怡如也家素豐有木器花行錢店等業公父與公弟經理之年二十餘遂娶於郡城周氏氏事翁姑以孝相夫子以和以公之孝友如是宜其得德配如是矣及壯公見父年邁精血少衰遂辭典業與其弟襄理店務家業日益隆兄弟皆納粟入監年近五旬父母

相繼卒兄弟未嘗析爨其友愛之誼有如是之篤者五旬
外新安典中延公總管後蘆岐史氏又延爲典中總管諸
同事皆欽服焉公有卓識初吾曾祖克儉公之配卽公之
胞姊也先大父補齋公卽爲公之長甥補齋公幼時公見
之曰此甥以後必成大器以女妻之補齋公弱冠文名冠
八邑壯歲始遊庠及應舉子試五薦不售非公之所見或
謬實吾家之運蹇也先王母三從四德無不咸備益信公
刑于之化令妻闡範之賢也余逮事先王母二十二年是
以知先王母之爲人而公之爲人又熟聞先王母所稱道


者也今其曾孫其昌乞傳於予余卽追憶先王母之言略
傳公之顛末云

同治十年歲次辛未嘉平中澣

再外孫陽邑庠生沈廷燮拜撰



與中書省長官...



公之...

...

再...

同...

...

...


萬春公傳

公諱文正萬春其號也居錫邑興甯鄉之城塘村父廷英祖德先世有淵德蓋其先來自震澤之陂以耕以讀瓜瓞綿延其流澤亦長矣予與君未嘗有往還曾與其嗣君俊賢游予嘗踵其門始得一見君心知其爲有道之士也初廷英公艱於嗣年五十餘始得公然屢空公幼時卽勤敏守分樸素渾堅事尊人能誠敬未旣而尊人逝世母沈孺人在堂喪葬諸事無所藉公百計籌畫得以事事盡禮不使母孺人知竭蹶也厥後孺人年益高公奉養承歡日益

勤饗煖溫清必親自點檢雖窶空甘旨未嘗或有少缺後
太孺人卒不忒不僭一如送尊人禮里黨諸先達靡不嘖
嘖稱羨曹氏有子古人云爲富不仁爲仁不富旨哉斯言
公幼時運甚蹇然遇事敢爲雖朝夕恪勤要亦聊以卒歲
也或值里黨有善舉事公必竭誠盡智悉心力以期必成
故遠近耆英靡不心敬悖狠頑強靡不誠服至於處事接
物不競不求無不當理逮夫年逾知非年雖高而志益篤
所謂薑桂愈老而益辛也嗟公今去矣而里中稱羨雖死
猶生真一鄉之善士也同治辛未其嗣君俊賢同族諸君

輯修宗譜乞傳於余余卽以曩所見聞者而時之

同里鍾亮祖拜撰





曹君榮任傳


嘗謂錦必組織而後工物必錮鏤而後美是錦之所以工
者在組織不組織不足以見其工也物之所以美者在錮
鏤不錮鏤不足以見其美也物皆如是人亦宜然然竟有
不待組織而自成文不待錮鏤而自成器者如曹君榮任
之爲人有是焉君一枝公之子也性情質朴容貌若愚居
恒寡言笑務節儉出則與人無口角無爭競硜硜自守絕
無矯飾浮夸之象孔子之所謂木訥者殆其流歟君幼在
塾中業師嘗嘉其天姿沉靜不染佻達之習可冀讀書詎

料弱歲遽失怙恃君哭泣盡哀喪葬之禮畢具斯時舉家
惟倚君一人君夙夜摻心家事初無暇日而讀書之念遂
隳焉人皆謂君少不更事未能紹厥箴裘恐家道有隕越
之慮而君則上不違乎先志下不忝夫家聲克勤克儉稼
穡躬親絕不辭胼胝之瘁厥後又經營生理會計益精既
耕且賈而家業較前更裕焉庚申之歲逆匪竄江房屋被
燬家室無存君則茹苦含辛艱難度日至克復後益竭力
田畝營謀生計積銖累寸不敢浪費是以數年之間房屋
重新川疇成熟者皆君之勤勞儉約所致也君伯氏無出

君一身兼繼二祧且能敦子道事伯氏如己之父母初無
少異生平不好奢華不與外務與人相接一體肫誠故鄉
里咸以謹厚稱之信乎君之梗概氣質其殆如文之不事
組織器之不事彫鏤者歟

同治十年歲次辛未季冬

邑庠生蘇俊撰



金方曹公暨趙孺人合傳

夫人未到死生利害關頭平居談節義事後論賢愚無人
不忠無人不義及至有事時則張皇無定聞風遠遁者比
比然矣惟曹公金方與趙孺人之義烈有足傳焉公幼失
怙恃孤苦伶仃形單影隻幸族伯天林公與尙林公撫以
成立性恬靜行謹愿事兩族伯如父兩伯甚鍾愛之爲之
聘娶趙孺人孺人亦柔和温厚克儉勤其操家計以至
稍有餘資生子一女三爲長次二女擇配名門爲子就傳
方期夫婦操持門庭克振子女完娶家道復興詎料生不

逢辰遭此大戾咸豐庚申粵匪竄踞江城祝塘鎮有王元
昌者倡義拒賊集數百萬人公亦與焉賊擾東鄉公與義
民等屢獲大勝至六月初十日大股賊又至王元昌率義
民拒之公奮勇當先爲賊所殺子亦被擄嗚呼世之享大
祿握大權者凡賊所到尙委而先去公獨以區區小民毅
然赴義其與倖求苟免者不幾大相懸絕也哉時趙孺人
聞信之下呼天搶地悲不欲生死而復蘇者數次不得已
將公草草成殮帶同三女茹苦含辛聊以度日又爲三女
贅壻以終天年不意死亡迭乘之後尙未安恬烽煙告警

之餘又遭慘恠同治癸亥二月流賊過境持刀欲迫孺人
孺人大罵不從被賊槊死嗚呼以孺人之激烈較之古墜
軀刎頸者不幾同其清節也哉噫一門徇義夫婦留芳可
風於當世者亦可垂示於後人矣予雖不文奚敢以荒墨
辭而不傳

同治十

年辛未季冬

同邑

王吳振拜撰

東
上
六
言



